

Oqaasiliortut ataatsimiinnerat

Tallimannorneq, Aggustip 14-ianni 2015, nal. 9.30
Oqaasileriffiup ataatsimiittarfiani.

Peqataasut: Carl Chr. Olsen, Stephen Heilmann, Eva Møller Thomassen aamma Karl Møller

Allatsi: Katti Frederiksen

Oqaluuserisat:

- 1) Naalakkersuisup Nivi Olsenip ataatsimeeqatiginissaanut piareersaatit saqqummiussassarlu pillugit ataatsimiittoqarpoq. Tassani Oqaasiliortunut allattaagallartup Oqaasiliortut sinnerlugit piareersarsimasaa isummerfigineqarpoq ilaatigut naqqissuutissat iluarsineqarlutik.

Tassunga tunngatillugu oqallinneq pivoq. Siulittaasup oqaatigaa Oqaasiliortut inatsisaanni malitassap oqaasertaasa ilaat 'katersussallugit nalunaarsussallugit akuerissallugillu' immaqqa nalilersussallugu pisariaqartoq, tassami nutserisoqarfiit massakkut namminneq suliasaq tamanna namminersuutigisalernikummassuk.

Nutserisut isumasioqatigiinnissaaq eqqarsaatigalugu pisariaqarpoq tamatuma erseqqissaaviginissaa, tassunga aamma ilanngullugit taaguusersuutit ordlistit assigisaallu Oqaasileriffik aqutigalugu Oqaasiliortukoortinneqartanngitsut, taakkuami kikkut tamarmik atugassaannik akuersisartuusassaammata.

Ullumikkut Ilinniusiorfik ordboginik suliaqartarpoq kikkut tamarmik atorsinnaasaannik. Tamanna aamma paasinarpoq, taamaattoq oqaatsinik akuerisat atornissaat, allattaatsip atuuttup malittarisassaata atortinniarneqarnerat, assigiimmillu atuisitsinissaaq eqqarsaatigalugit pisariaqarpoq erseqqissassallugu Oqaasiliortut taakkununga akisussaasuusassaammata, naak nalunngikkaluarlugu Ilinniusiorfik aamma ilinniusiortussaasoq. Taamaattumik suleqatigiinnissaaq pisariaqarpoq, Oqaasileriffiullu Ilinniusiorfik ataatsimeeqatigileruniuk tamakkua aamma oqaluuserisassanut qitiujumaartut KF-ip ilisimatitsissutigaa.

Assersuutigalugu ullumikkut piginnaatitaaffiit atorneqartarpoq naak pisinnaatitaaffik pineqartoq. Ordbogimi allassimanera malillugu kukkusumik inuit atuilerput, tassa siunissami tamanna pinngitsoorniagassaaq ordbogit nutartertuarternerisigut.

Kalaallit oqaasiiisa inissisimanerat eqqarsaatigalugu makku aamma eqqaasariaqarput nipangiunnaveersaarneqassallutillu:

allagartalersuisarneq aamma tusagassiutini oqaatsitta atorneqarnerat. Oqaasiliortut isumaqarput tusagassiortut oqaatsinik atuinerat, aamma tusagassiortunngorniat kalaallisut piginnaasaasa qaffassarneqartarnissaat immikkut qanoq iliuuseqarfigineqartariaqartut.

2) Allat

Ataatsimiinneq iluatsillugu saaffiginnissuti tmakkua eqqartorneqarput:

a. Talent pillugu saaffiginnissut

Saaffiginnissut akineqareerpoq oqaaseq 'kakkaffigaajuk' atorneqarluni.

b. Sikkerchat.gl-ip kalaallisoortassaa

Oqaasiliortut siunnersuutissaqassagunik allattaagallartumu nalunaaqquneqarput

c. Psykologisk Klinik Psykologeqarfimmik taaneqaannarsinnaanissaa

Psykolog oqaasersiatut atoreermat taamatut taaneqarnissaa isoriniagassartaqartinngilaat.

Inussiarnersumik inuulluaqqusilluta

Carl Chr. Olsen
Siulittaasoq

Katti Frederiksen
Allatsi